

дании «предает»; в рукописи «некому», в издании «некому»; в рукописи «слухому», в издании «слу (слух?) кому»; в рукописи «честно», в издании «что ся»; в рукописи «знамение», в издании «знамение его».

Р. А. Седова опубликовала текст Жития Петра по списку 3-го извода БАН, 21.3.3¹⁵. Среди неточностей издания следует отметить неправильную нумерацию листов оригинала (указаны л. 118 об.—126, а должны быть л. 118 об.—122), текст издан в упрощенной орфографии, без воспроизведения особенностей оригинала, ошибки и описки оригинала исправляются без соответствующих оговорок. Так, в заглавии рукописи читается «Ростов», воспроизведено «Ростовским»; в рукописи — «на росу», в издании исправлено (без оговорок) — «на рогу»; в рукописи «на рере», в издании (без примечания) — «на реце»; в рукописи «върде», напечатано «въ Орде»; в рукописи «*не* приехаша», напечатано «но приехаша», и т. д.

Для научного изучения Жития митрополита Петра необходимо опубликовать текст Основного извода. Выбирая список для издания, приходится сталкиваться с определенными трудностями. Древнейшая рукопись Егор., № 637, во-первых, дефектна, во-вторых, отражает более позднюю редакцию с добавленными чудесами 1347 и 1351 г. (такой же состав имеет и список Сол., № 518/537). Следующий по старшинству список Больш., № 430 существенно отредактирован с целью возвеличивания Ивана Калиты, а в списке Больш., № 420 сохранился только первый лист. Поэтому приходится принять за основной список ЯМЗ, № 15326 конца 20-х — начала 30-х годов XVI в. Текст издается с учетом особенностей оригинала, вышедшие из употребления буквы древнерусского алфавита заменяются современными (но «Ѣ» сохраняется), титла раскрываются, надстрочные знаки вносятся в строку. Исправления производятся на основании списков Больш., № 420 и Больш., № 430 (что оговаривается в примечаниях).

Краткая редакция Жития митрополита Петра по списку ЯМЗ, № 15326

Мѣсяца дѣкабрия въ 21 день. Преставление || святаго Петра митрополита Киевскаго и всея Руси.

Сеи святии Пѣтръ митрополить родися от родителю християну, [отца именем]¹⁶ Феодора, матери же благовѣрны суще. Да егда ноша-

ше и мати его во утробѣ младѣнцем, и виде сонъ таковыи: агнецъ доброзрачен на руку своєю¹⁷, [имущи на рогу своєю]¹⁸ дрѣво, различныя цвѣты имуща, и свѣща пресвѣтлыи [свѣтящаяся]¹⁹. И не домышляшесе о семь, что се будетъ.

Родижесе отроча и бысть седми лѣтъ, и нача учити²⁰ граматизию, и воскорѣ навиче всеи премудрости. Бывшу же ему 12 лѣтъ, иде в монастырь и бысть мнихъ, служа в монастыри и в поварни²¹, воду нося на всю братию и дрова на свою раму нося. И пребысть в тои службе неколко лѣтъ. И посемь вжелавъ, да навикнетъ иконному писмени. И бысть иконникъ чуден, и прообрази по сану образ Господа нашего Исус Христа и Святыя Богородица, и пророкъ, и апостоль, и мученикъ, и святых отецъ и иных, кождо по сличию²² образа их и по сану написуя²³. А посту и молитвѣ вѣлыми прилежа, яко же никто же инъ в нынешнее время, и ко всему милостыню творя, яже притяжа²⁴ от праведных своих трудѣх. И посем постави церковь Святаго Спаса на рецѣ Рати и со||твори монастырь, и собра братию, и прилежаше и со уветом, уця о спасении душъ их.

Не утай бо Богъ такового свѣтилника, яко же бо еуангелистъ Лука глаголетъ: «Не можетъ град укрытися верху горы стоя, ни свѣтилника вжегъ покрыти его сосудом». Тако и сего Богъ просвяти. Написавъ икону Святую Богородицю, и вда ю Максиму митрополиту. Святителю же видевшу, яко санъ бысть Святыя Богородица [истинный]²⁵, и украсивъ ю златом и драгим каменiem, и моляшесе ей, прося милости миру.

И преставльшуся Максиму митрополиту, и дръзну Геронтеи игумень прияти санъ святительскый. И возма ризницу и рипидию, и многы иконы, и сановники, яко же подобаетъ святителемъ, и ону икону Святую Богородицю, ю же написа угодникъ Божии Пѣтръ, еще сый игумен, и поиде Геронтеи в Костянтинъ град. И по случаею же вниде в корабль, явися ему та икона Святая Богородица, ю же бе написалъ преподобный Пѣтръ игумень: «Не имаша ты подъяти Мя, ни великаго чину святительскаго, но от него же руки сотворена есмь, тои Мя восприиметь, тои убо || святитель будетъ». Утру же бывшу, и заблудися корабль в мори, и бысть блудяи многы дни.

Преподобному же Петру игумену вшедшу во иныи корабль, по Божиею устройению воскорѣ прииде в Костянтинъ град и по обычею внидѣ въ зборъ²⁶ ко преподобному патриарху Афонасию. Исполнися храмъ благовония, и разуме Духомъ преподобный патриархъ Афонасеи, яко Богомъ посланъ есть, и испытавъ, яко достоинъ есть пути свя-

л. 454 об.

л. 455

тительскому, и святи его. И бысть митрополить, и видеша мнози вѣрнии лице его, яко солнце свѣтящися.

По времени же прииде Геронтеи. Патриархъ же Афонасеи испывавъ, и не святи его, но всь сан возма и вдасть Пѣтру митрополиту, и ону святую икону, ю же бѣ написалъ.

И пришедъ во свою митрополию, и нача учити заблуждшая християне и ослабевшая нужда ради поганных иноверецъ, протолковая и апостольская писания и еуангельская, яко же Василеи Великыи и Иоанъ Златоустъ и Григорей Богослов та учения излагая, и ко всему свое смирение являя, тѣмъ утвержая истинную вѣру || во християнех, переходяи Вольтинскую землю и Киевскую, и Суздальскую, учаи закону Божию вездѣ вся.

л. 455 об.

И позавидѣ дьяволъ и вложи во сердце вражду Андрею епископу послати хулу на святаго Петра митрополита ко Афанасию патриарху. И посла преподобный патриарх Афонасеи единого от клирикъ своих, мужа сановита и рассудна, разумна и мудра, и тиха, ркуще: «Чадо Пѣтре, не азъ тя избрах, но Святыи Духъ постави тя пастуха и учителя Христову стаду словесных овецъ. Се приидоша от вашихъ языкъ носяще словеса тяжкая и велика на твою святыню, потщався буди пред соборомъ святымъ, даи отвѣтъ симъ словомъ». Бысть соборъ во градѣ Переясловли, и ту бывшу преподобному Семиону епископу Ростовскому, и преподобному Прохору игумену суцу, и приехавшу клирику от Царяграда, и призвану суцу Андрею епископу. А князю великому Михаилу во Ордѣ бывшу, но приехавшу сыну его князю Дмитрею и брату Александру, и инья князи мнози, и вельмо||жа, и воеводы, и множество преподобныхъ игумень, иереи. И бысть прѣ велика, и абие посрамленъ бысть Андрей епископъ. Святыи же митрополить Пѣтръ ничто же не сотвори ему зла, но рече: «Миръ ти, чадо, не ты бо се сотвори, но дьяволъ».

л. 456

Святыи же святитель начать учити не токмо по градом, но и по всѣмъ странамъ, и вся места преходя, ни труда бо себѣ творя, ни болѣзни чюя на тѣлѣ своемъ, ни лености имея, пекыися о своемъ стадѣ словесных овецъ Христовых. И Сеита²⁷ еретика препрѣ, приехавшу на прю, и прокля²⁸ и. Святыи же болшии подвигъ подъя, пощение и молитвы, и милостыня, и утвержая иерѣя, како водити Христово стадо, черноризецъ и черноризиць.

Паче же преходяи грады, и обрете градъ честенъ кротостию, зовеми Москва, и в немъ князя благочестива именемъ Ивана, сына Данилова, внука Алѣксандрава, милостива до святыхъ церквей и до нищих, и

самого горазда святымъ книгам, послушателя святых ученеи. Обита во градѣ том, и рече благочестивому князю: «О, сыну, многое твое благочестие, послушай || менѣ днесь». Благочестивому же князю обещавшуся. И рече святыи митрополить: «Созижетса церкви камена во градѣ твоємъ Святая Богородица». Благовѣрныи же князь поклонися и рече: «Молитвою твоею, святыи отче, да будеть». Основаннѣи же бывши церкви, и гробъ святыи сотвори собѣ своима рукама.

По малѣ же времени возвещена бысть святому ангеломъ смерть. Святыи же нача литоргию творити о здравии благовѣрных цареи, и за благочестиваго князя Иоана, и за княгиню, и за дѣти его, и за вся воя его, и о всем мирѣ, и за вся усопшая цари, и за князи и за вся [христиане]²⁹ усопшая. И кончавъ святую службу, и многы нищяя накорми, не токмо нищяя, но иереи, черноризецъ и черноризиць, и сотвори милостыня многы, и раздая имение нищим и всем церквамъ. А благовѣрному князю не сущу тогда во градѣ. И призва единаго от велможь, иже бѣ устроень старейшина граду, нарицаемыи именемъ Протасеи, сеи бѣ на нищяя милостивъ и милосердъ сердцемъ. И рече ему: «О, чадю, миръ подаи же благовѣрно||му князю и всему дому его, и тобѣ миръ». И вда ему влагалище, еже на устроение церкви и на поминание своя памяти, и прочая дома церковныя приказа. Вечеру же бывшу, и нача святыи вечернюю молитву. Еще сущи молитвѣ во устех его, и рече архимандриту преподобному Феодору, его же именована на митрополию: «Мир ти, азъ почити хощу». И абие предасть духъ.

И послаша вѣсть ко князю. Благовѣрныи же [князь]³⁰ воскорѣ приеха во град. И несену же святому ко гробу, они же мняху, яко мертвеца несущу, но открыся о святомъ некоему иноверцю, и видѣ святаго сидяща на одрѣ своем, со оба полы одра своего благословляюща несущаи одрѣ и благовѣрнаго [князя]³¹ Иоана, и весь род его, и вся христианы. Онем же донесъшим во основанную церковь, надгробныя³² пѣсни пѣвше, и вложиша и во гробъ святое тѣло его, иже бѣ сам создалъ, мѣсяца декабря въ 20³³, на память святаго Игнатия Богоносца. Но яко же пророкъ Давидъ рече: «Праведникъ яко финиксъ процвѣтетъ и яко кедръ, иже в Ливанѣ, || умножится»,— тако и сии великыи святитель процвѣте, прия даръ от Бога, исцѣления хромым подаю от гроба своего ходити.

И бысть ему 20 дней имущи во гробѣ, и се юноша некий, имея руцѣ от рожества своего, не владѣя ими, но кормим бываше другом, и тому от гроба своего исцѣление подаваше. Овому слукому прострение подасть³⁴, етеру очима слѣпу и тому прозрети дасть. Молитвою же святаго и ина исцѣления быша от гроба его.

л. 456 об.

л. 457

л. 457 об.

Да егда благовѣрныи князь Иоанъ написавъ та чудеса и посла во град Володимиръ ко святому собору, и взем свитокъ преподобный епископъ Прохоръ, возыидѣ на омбон и нача чести чюдо бывшее во градѣ Москвѣ от гроба святаго Пѣтра митрополита. И в тои час онъ иноверецъ нача исповедати, еже видѣ благословяща со одра своего. И почюдися князь великыи Александръ и весь народ, иже бѣ в соборѣ, и возрадовашася радостию великою. Тако³⁵ бо Богъ³⁵ просвѣти землю Суждальскую и град, зовемыи Москву, и благочестиваго князя Иоана, и княгиню, и дѣти, и раба Божия старейшину града. Тои же и мне³⁶ испроси || оставление грѣховъ. От гроба того исцеления бывають честне³⁷ приходящим. л. 458

И се пакы ино знамение: создана бысть церкви въскорѣ³⁸ великымъ княземъ Иоанном, и молитвою Святыя Богородица и Божия угодника Петра митрополита. Богу нашему [слава в вѣки вѣкомъ, аминь]³⁹.